

MISI AKADEMIK -PPT OUTREACH UiTM CPP 2020

DISEDIAKAN OLEH: SUHAIZA HASAN DAN WAN ZARINA WAN KAMARUDDIN

Jika tidak dipecahkan ruyong manakan dapat sagunya! Usaha memburu pelajar lepasan SPM untuk ke ditawarkan ke program Pra Pendidikan Tinggi (PPT) di UiTM Cawangan Pulau Pinang (UiTM CPP) diteruskan saban tahun.

Menerusi program MISI AKADEMIK-PPT OUTREACH UiTM CPP 2020, Jabatan Sains Gunaan (JSG) sekali lagi bergabung kekuatan anggota menyertai misi mempromosikan Program Pra Pendidikan Tinggi (PPT), bersama-sama pihak urusetia PPT, MISI AKADEMIK UiTM CPP, Bahagian Hal Ehwal Akademik (BHEA) serta beberapa jabatan serta fakulti. Program yang dijalankan ini turut mempromosikan peluang melanjutkan pelajaran ke program-program yang ditawarkan oleh UiTM kepada pelajar lepasan Sijil Pelajaran Malaysia (SPM).

Serentak dengan pengumuman keputusan SPM di seluruh negara, maka tarikh 5 Mac 2020 telah ditetapkan untuk misi ini dijalankan. 32 buah sekolah menengah terpilih di seluruh negeri Pulau Pinang telah dikenalpasti untuk dijelajahi oleh para peserta misi akademik kali ini. Para peserta yang majoritinya terdiri daripada para pensyarah telah bertindak sebagai duta bagi menyampaikan hasrat murni pihak universiti yang ingin membuka peluang kepada anak-anak bumiputera melanjutkan pelajaran di Universiti Teknologi MARA (UiTM) khususnya di kampus UiTM Cawangan Pulau Pinang.

Taklimat awal telah diberikan kepada para 'duta' MISI AKADEMIK-PPT OUTREACH sebagai persediaan sebelum masing-masing bersemuka dengan mereka yang berpotensi menjadi siswa dan siswi UiTM. Para peserta juga disediakan dengan informasi yang tepat tentang program PPT agar para pelajar dan guru jelas serta faham mengenai program yang dahulunya dikenali sebagai program Mengubah Destini Anak Bangsa (MDAB). Adalah dijangkakan lebih ramai pelajar yang layak ditawarkan ke program PPT apabila peluang ini

SMK		32 SEKOLAH
Teluk Bahang	Bertam Indah	
Bayan Lepas	Sama Gagah	SMK Dato Haji Ahmad Badawi
Pondok Upeh	Dato Onn	SMK Dato Haji Hassan Noh
Sungai Nibong	Tun Hussein Onn	SMA Daeratul Maarifil Wataniah Satu
Kepala Batas	Dato Syed Omar	Maahad Al- Mashoor Al Islami
Penanti	Bandar Baru Perda	SM Islam Al Iqram
Dato Kailan	Guar Perahu Indah	MRSM Kepala Batas
Sungai Acheh	Bertam Perdana	SM Sains Kepala Batas
Saujana Indah	Permatang Rawa	
Seri Nibong	Mengkuang	
(P) Sri Mutiara	Nibong Tebal	
Seberang Jaya		

turut dibuka kepada semua pelajar tanpa mengira status pendapatan keluarga masing-masing. Setiap peserta misi akademik telah diamanahkan dengan sampul berisi borang permohonan program PPT. Borang permohonan ini boleh diisi terus oleh para pelajar lepasan SPM yang berkelayakan ataupun diserahkan kepada guru kaunseling sekolah yang berkenaan.

Adalah diharapkan semoga program Misi Akademik-PPT 2020 ini dapat membuahkan hasil apabila lebih ramai lepasan SPM yang membuat permohonan untuk mengikuti program ini. Mudah-mudahan ia menjadi titik tolak kepada kejayaan anak bangsa yang lebih cemerlang dan gilang gemilang pada masa akan datang.

